

**Inatsisartut peqqussutaata kiassarnermi erngup  
nukissiorfiata Utoqqarmiut  
Kangerluarsunnguaniittup pilersuiffiani  
kiassaateqarfinnut innaallagissamit  
kiassarneqartunut (elektrokedler)  
attavilersinnissamik pisussaanermut tunngasup  
allannguuteqartinnera pillugu Inatsisartut  
peqquussutaat (Nukissiorfiit namminersortunut  
aamma pisortanut kiassaateqarfinnut  
innaallagissamik kiassarneqartunut (elektrokedler)  
attavilersinnissamik pisussaaffiliinissaminnik  
periarfissaqalissapput)**

**§ 1**

Inatsisartut peqqussutaat nr. 2, 31. oktober 1991-imeersumi, kiassarnermi erngup nukissiorfiata Utoqqarmiut Kangerluarsunnguaniittup pilersuiffiani kiassaateqarfinnut innaallagissamit kiassarneqartunut (elektrokedler) attavilersinnissamik pisussaanermut tunngasumi makkua allanngortinneqarput:

**1. Peqqussutip *taaguutaa* imatut oqaasertalernerqarpoq:**

"Erngup nukinganik nukissiorfiit pilersuiffiini innaallagialaq kiassaaititut atorneqarsinnaalersikkumallugu innaallagissamik kiassaatinut attavilersinnissamik pisussaaffeqarnek pillugu Inatsisartut peqqussutaat".

**2.** Inatsisartut peqqussutaanni tamarmi qallunaatut oqaasertaq "Grønlands Energiforsyning" uunga allanngortinneqarpoq: "Nukissiorfiit" aamma "Grønlands Energiforsynings" uunga: "Nukissiorfiit".

**3. § 1, imm. 1,** imatut oqaasertalernerqarpoq:

"Erngup nukinganik nukissiorfiit innaallagissamik pilersuiffiini innaallagialaq kiassaaititut atorneqarsinnaalersikkumallugu, Nukissiorfiit pisortat aamma namminersortut kiassaateqarfiutillit innaallagissamik kiassaatinik ikkussueqqusinnaavaat".

§ 2

Inatsisartut peqqussutaat 1. juli 2008 atuutilerpoq.

*Namminersornerullutik Oqartussat, ulloq 16. maj 2008*

Hans Enoksen

/

Kim Kielsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut